

中國方志叢書·華中地方·第五四三號

據

清·李衛等修，傅王露等纂
清雍正十三年刊本

影印

5406/01 浙江省

西湖志



成文出版社有限公司印行



10101711

中國方志叢書·華中地方·第五四三號


據

清·李衛等修，傅王露等纂
清雍正十三年刊本

影印

浙江省

西湖志



成文出版社有限公司印行



10101712

中華民國七十二年三月臺一版

西湖志 共十冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

西湖志序

地雖勝而非有利於民有益於國家陳其善焉山
人游客搜奇攬勝之資任其疆者不避其間焉至
利於民而有益於國家矣而其地勿勝無往跡前
事可考據則其名亦勿著杭之西湖近在郭門外
出湧金錢塘清波三門昂首注目四山周遮水天
一碧無登涉搜攬之煩而全湖之勝盪胸填膺高
下在目六合之內不乏名勝求其與闌闌相接郭
內外之民朝夕斯一舉足卽食湖之利舉天下

名山川莫或與之媲也湖爲百泉所瀦雖旱歲不竭杭屬仁和錢塘海鹽三邑田畝皆資灌溉其下流並海而東

國家離政歲兩掣舳艫銜尾會省門掣竟始散往各配食州縣其取道率由於此是則湖之有利於民有益於國家固大彰明較著者矣我

皇上御極之三年奉

命開濬西湖越歲而臣衛受任撫浙兼理離政過所爲西湖者淤泥菰葑充塞瀰漫問所爲六橋兩隄及

其他古蹟則傾圯相望甚至莫能指目其處篙櫓
無所用而舟人失業網罟無所施而漁子就閒傍
湖之民無復有食湖之利者遑問田畝之資灌溉
鹺艘之稱利涉哉於是集議開濬會鹺司今光祿
卿臣王鈞肩其任捐已貲以給工費期年而淤者
通塞者去傾圯者整理之山重點翠湖再潑油彩
鷁紅檣箭穿梳織加以蒔果栽花種魚養竹西湖
名勝頓復舊觀夫而後田畝足資商艘有賴郭內
外之民一舉足而仰事俯育不啻朝有掇而暮有

拾也

國家當全盛之時雲漢昭回生植暢遂山川草木各有鬱蔥向榮氣象此不特西湖爲然而獨西湖艷人齒頰者由其地勝足以仰承天澤造物者亦特有以鍾之至於春之日秋之夕游人士庶歌咏太平悠游化日景物之間別具太和翔洽之致則自唐宋元明以來湖之盛未有過於今日者矣恭惟

聖祖仁皇帝五次省方周諮民隱蠲租肆赦

湛恩汪濊守土諸臣建

行宮於湖上閭閻無絲粟費而瞻雲就日之思愈久而不能忘

皇上俯順輿情改爲

聖因寺虔奉

御牌以慰民望他若湖山廟丁家山金碧照耀南北映帶又皆唐宋元明以來所未闢之境而創自今日者會城文武僚屬遇歲朝長至或初履狂及他省仕宦道經武林必相率詣

聖因寺瞻叩

聖祖神御龍牌通省士民熟聞習見於以發其尊君親上之心是又教化之所由興其爲利益於民於

國家者又豈獨田畝之灌溉商艘之利涉已哉湖舊有志以遊覽名此特山人游客搜奇攬勝之所取於國計民生夫豈有當因修通志之餘纂輯斯編計溯源流分別門類而附以典故詞章俾後之任斯土者知湖之有利於民有益於

國家以無負

聖天子命加疏濬之盛心至歲修之資則有臣衛經理

時光祿所捐置田畝在收其人以時葺治之事易
集而公私固無擾也梓成謹識其緣起如此

雍正十二年暢月之吉

欽命太子少保兵部尚書總督直隸等處地方管轄紫
荆密雲等關隘贊理軍務管理糧餉兼都察院右
副都御史前浙江總督管巡撫事兼理鹺政節制

江南臣李衛謹序

（The main body of the page contains multiple columns of vertical text, which is mostly illegible due to the quality of the scan. It appears to be a traditional Chinese text layout with approximately 10 columns.)

西湖志序

粵自河渠有書溝洫有志歷代史氏於水利多詳言之而山川之形勝景物之繁昌亦備著焉凡以水利之繫於國計民生者甚鉅而求端竟委所以資考鏡備掌故者誠不容以或略也欽惟我

皇上法天因地宵旰勤民

御極之始卽大興水利肇自西北爰及東南

特念浙江西湖有關農田漕運

敕督撫會勘發給重帑大加濬治維時方勦興

畿輔營田

臣紘蒙

恩擢任清河道凡溝澮川涂之事瀦防均寫之宜一皆稟承

睿訓悉力奉行於是隰皋沃衍繡錯綺分然後知水之爲利如是其溥且博而

王政所先爲興有甚鉅也嗣蒙量移浙藩職司旬宣因得周覽浙西上下見水之自外至者宜防其患莫如錢江水之自內出者實資其利莫如西湖蓋江與湖相爲表裏而江水不至之處皆湖水之所灌

輪荷湮淤阻塞爲患有甚於江湖衝激者矣自疏
濬以來緣江數邑之田歲屢有秋而鹽漕轉輸商
賈輻輳公私利賴其明效大驗彰彰若是不有記
載奚以恭紀

聖恩而昭示永久會奉纂通志校閱之餘適前督臣以
新修西湖志一編屬爲訂定因受而卒業見其首
紀水利一門詳志

聖朝軫念民瘼興利萬世之至意而於歷代興廢之由
亦三致意焉其他若隄塘堰牐橋梁筦壩之屬亦

莫不條分縷晰按部就班大約取明田汝成舊志而損益之訂其闕失汰其繁冗若領之在綱鉅細不遺與史臣書河渠志溝洫之意若出一轍可謂知所本務矣伏念西湖自

聖祖仁皇帝省方駐蹕以來德洋恩普民物雍熙已極千古未有之盛事茲復蒙疏濬山川效靈獻奇呈秀風景日新開億萬年太平之象臣於治事之暇閒一至其地覽山川之形勝觀景物之繁昌未嘗不流連洄溯歎爲宇內之大觀而益信是編之記載

爲不容略也剗剗未竣卽奉有巡撫皖江之

命遙望西湖渺不可卽猶得於是編一展卷閒而水光

山色如在几席抑何幸歟以忝與校讐之末例得

颺言簡端且

臣

曾任水利專官而於藩宣浙水諸

大政亦深見其未有重於此事者故特舉西湖水利之大端謹拜手稽首而識諸末簡

賜同進士出身

誥授通奉大夫巡撫安徽等處地方提督軍務都察院

右副都御史前浙江布政使司布政使

臣

王紘謹

正清元

三月

三

撰